

✿ 命令

新舉臨時大總統袁 命令

派雷震春充護軍使馳赴河南一帶稽查整飭各軍隊此令

中華民國元年二月二十一日即壬子年正月初四日

新舉臨時大總統袁 命令

修訂法律大臣倉場侍郎俞廉三呈稱病未少減請開去差缺等語應即照准此令

中華民國元年二月二十一日即壬子年正月初四日

臨時公報

陽歷二月廿二日即壬子正月初五日

電報

南京孫逸仙致袁大總統電

陽歷二月十八日即壬子年正月初一日

咸電謹悉公之委曲求全其義昭於日月惟國民勞公以全局德有所存在北在南無不可以全副精神相統攝此間爲難之處亦非文字可盡達已委託唐紹儀君等北赴述陳一切公自鑒察至公謂目前北方秩序不能得措置各方面合宜之人自不待言然若分別諸要端多電知數人俾各受所委同資鎮攝此亦爲將來政府偏於南北東西必當籌畫之一法公應首肯文實竭蹶於服務日夜翹盼卸代孫文篠印

南京巡警總監吳忠信慶賀袁大總統電

陽歷二月十九日即壬子年正月初二日

惟公德望庶衆推戴政尙共和歡騰薄海江甯巡警總監吳忠信率警界全體叩賀

南京杜淮川等慶賀袁大總統電

陽歷二月十九日即壬子年正月初二日

頃參議院開選舉大會推戴鈞座爲中華共和國大總統從此神州再造薄海騰歡謹率所屬官兵無任禱賀第二師師長杜淮川第三師師長陳懋修謹叩

上海光復會致袁大總統電

陽歷二月十九日即壬子年正月初二日

公既爲參議院公舉請即就職以順輿情惟建都當在北京否則滿蒙未附萬一中變恐難顧及上海光復總會電

安慶財政總長黃書霖致袁大總統電

陽歷二月十九日即壬子年正月初二日

建設之難難於破壞不啻萬倍公負絕世才略必能網羅豪傑前超古人後超來者組織完全政策民出水火環待刷新尙有鄙見擬陳條議郵寄楊杏城同年轉乞鈞裁大匠之門必並竹

陽歷二月廿二日即壬子正月初五日

頭木屑而兼蓄也安徽財政總長黃書霖叩祝巧

清江浦來電

陽歷二月十八日即壬子正月初一日

南京孫大總統各部長各省都督各司令北京袁大總統各省督撫各軍統鈞鑒頃接蘇州莊都督咸一電稱建都應在北京所陳利害洞中肯要卓識偉論深堪欽佩今更引伸其說建都宜在邊陲故俄由莫司科遷於勝彼得堡日由西京遷於東京近俄更有遷都哈爾濱日更有遷都三韓之說此中消息不言可知請力持建都北京勿爲浮言所惑以維大局禱切盼切江北蔣雁行暨軍界全體同叩銑印

奉天趙制台率同三省官民公舉袁大總統電

陽歷二月十九日即壬子正月初二日

時局凌夷事機危迫我公被命全權組織臨時政府原所以謀統一安中國也然全權名義非出雙方若非合南北而共推一人遲疑生變中國殆矣此次亂事之起惟公身任艱難維持調護保全極大海內歧望非公莫屬爾巽等徵求東三省官軍紳民意見公舉公爲臨時大總統藉以維系人心主持國是謹此電呈尙乞俯就是幸趙爾巽陳昭常宋小濂率軍警官商紳民人等同叩

開封齊撫台率同全省官紳商民等慶賀袁大總統電

陽歷二月十九日即壬子正月初二日

頃接南京參議院刪電開全院一致舉公爲臨時大總統已電請就職各等因譯讀之餘同聲懽忭民國初幄百廢待興必得廉公果毅之偉人始成穩健康和之盛業前經一再電陳適逢參議院全體公推羣望所歸雲從風應竚聞碩畫鞏成國基謹合兩河官紳軍警商學各界恭祝中華民國萬歲琳暨文武司道府縣鎮統將校並諮議局代表全省紳民商學各界同叩稟

濟南張撫台率通省文武紳商慶賀袁大總統電

陽歷二月十八日即壬子正月初一日

共和政成國是大定中華轉運民國開基接奉電音遙即傳播近日閭閻闐闐咸懸國徽巷舞
衢歌昇平世界一元復始萬象皆春廣建等敬謹慶賀中華民國萬歲署理山東巡撫張廣建
會辦山東防務五鎮統制吳鼎元登州鎮總兵葉長盛兗州鎮總兵田中玉曹州鎮總兵張善
義署藩司余則達署提學司方燕年署提法司丁道津鹽運司聶憲藩巡警道吳炳湘署勸業
道劉崇惠署濟東道何澍署兗沂道莊洪烈試署廳丞龔積柄試署檢察長虞維鐸署濟南府
車保成署歷城縣周炳文陸軍九協統領馬良十協統領張樹元中路巡防統領孔慶塘後路
統領方致祥沂防統領楊德滋統領先峰等營蘇緒謨統領警衛各營吳攀桂幫統領巡防等營
吳桐仁統帶新防等營戴以庸分統後路等營劉長英通省候補道府州縣在任府廳州縣及
陸防各軍標統管帶九十三標統帶李森九十四標統帶王學彥等衍聖公孔令詒及在籍紳
士侍郎吳樹梅侍讀學士王錫藩道員汪懋琨孟繼笙毛承霖學界編修莊蘭陔薩陰榮主事
石金聲御史范之杰道員丁維魯諮議局編修楊毓泗道員王景禧于普源商會董事職員劉
延佐鄧文治張有執李仁實暨通省人民同祝賀

濟南吳警道炳湘慶賀袁大總統電

陽歷二月十九日即壬子正月廿二日

國是已定公膺總統國利民福敬稱萬歲山東巡警道吳炳湘暨各科各區全體等警衛隊統
帶吳攀桂率領官兵等同叩

信陽李統制純等致袁大總統電

陽歷二月十九日即壬子正月廿二日

政體共和既經宣布國旗五色業已高懸軍警商民無不同聲頌祝惟是國體雖定而國會召

陽歷二月廿二日即壬子正月初五日

集尙需時間建設新基誠爲急務我公德聲素著威望久昭值國步之顛危挽狂瀾於既倒人心感戴輿論攸歸萬懇權爲臨時共和政府大總統綜攬庶政而順輿情李純馬繼增吳金彪張敬堯李煥章王恩貴蕭宛取率諸將士同叩陷

張家口何都統宗蓮慶賀袁大總統電 陽歷二月十九日即壬子正月初二日

政體共和後組織進行較摺危局尤難非內政熟悉外交信用軍隊畏服四民欽仰四者兼全不能肩任其難今孫中山並各省督撫蒙回藏各華僑公舉我公爲總統實同胞幸福中華民國幸福仰求俯認力任其難宗蓮叩皓

吉林陳撫台率同全省慶賀袁大總統電 陽歷二月十九日即壬子正月初二日

接電知我大總統業由南京上議院舉定民欲天從同心推戴維持應運中外騰騰立致富強咸登康樂邊隅望治頌禱尤深昭常暨政軍各界諮議局代表各團體同叩印

天津張大帥金坡慶賀袁大總統電 陽歷二月十九日即壬子正月初二日

此次變政危險萬狀賴公維持登五族於衽席求之古今殆無倫擬中外人民固已異踵同歧矣今者南北一致舉公爲臨時大總統可見遺大投艱非公莫屬從此締造政基發揚民志方駕五洲昭垂億禩國民之福環海所瞻臨電毋任欽馳之至錫鑒

天津順直諮議局慶賀袁大總統電 陽歷二月十九日即壬子正月初二日

頃准南京參議院電本月二十八日開選舉會全體一致舉定我公爲臨時大總統用告天下惟中國建國四千餘年以天下奉一人專制既久百政晦塞雖間有一二英君賢相亦不過收拾一時無敢議及國體致天下每大亂今一開振古未有之局由皇王帝霸而均主於民非

有環絕中外曠代不世出之才曷克臻此我公於是時應時造治消息天人慮牟萬類俾數千年天下之通義大顯於時天下既已得其心之所欲僉曰臨時大總統匪我公無所與歸北方電推於前南京票舉於後老稚驩呼衆萬大和自茲以往肇新初政經緯萬端基局牢固聲施四馳友邦聞而額手邊藩合爲一家裨我大中華民國巍翼震爍永固邦基於億萬年將於是乎在議員等謹率全省民人爲我大總統祝順直省議局叩鑒

承德府崑都統源慶賀袁大總統電

陽歷二月十九日即壬子正月初二日

大力幹運久鑒人心共仰德威同殷愛戴忭舞曷勝敬叩崇祉崑源叩

奉天周運台肇祥慶賀袁大總統電

陽歷二月十九日即壬子正月初二日

過渡危險統一爲嘆閱通電欣悉我公被舉臨時大總統羣情屬望義無可辭尙祈早日就任整飭紀綱以安中外運司周肇祥謹叩賀

東三省軍警學商工農自治各界慶賀袁大總統電

陽歷二月十九日即壬子正月初二日

共和既成總統一任非公莫當頃接南京電已承認足見勛望所繫卽爲心理之同望公上體慈意下順輿情以定大局而布新猷不勝待命之至東三省軍警學商工農自治各界公叩豔

美京巴那馬領事歐陽致袁大總統電

陽歷二月十九日即壬子正月初二日

南北統一中外交歡巴那馬領事歐陽庚煮種

華盛頓張欽使蔭棠慶賀袁大總統電

陽歷二月十九日即壬子正月初二日

一統待治五族同慶張蔭棠恭祝

小呂宋華商會館慶賀袁大總統電

陽歷二月十九日即壬子正月初二日

陽歷二月廿二日即壬子正月初五日

清帝退位組織民國政府事大任鉅非具有魄力胡能底定我公聲望中外咸欽幸毋存謙讓速任經營顧全大局奠我邦基全國幸甚僑民幸甚華商會館叩篠

公呈

京師第一區職商吳永序等公舉袁大總統呈 十二月二十八日

爲呈明請願事竊自本年十二月二十五日國體訂定發表共和兵戎氣銷胞與量溥將來民生之厚國運之隆皆基於此豈獨我商民實利其利哉凡此盛德大業非我公威信所著德量之宏易克臻此然民國雖建庶政待興各國觀瞻繫屬非淺治亂安危實惟大總統是賴爲是公籲我公俯念蒼生肩茲艱巨力任新政府臨時大總統以濟斯民我五大族同胞實利賴焉職商等近依化日感沐尤親謹合詞請願上瀆仁聰公叩全權組織臨時政府袁俯納施行無量感戴謹呈職商吳永序包大倫包啟勳岳雲奇陳居華劉萬順趙炳林鄭鴻慶宮全賓吳祿堂劉文泉公叩上

❀ 規 約

臨時籌備處規約

一本處爲新舉臨時大總統未就職以前籌備將來建設之計畫直接隸屬於新舉臨時大總統備諮詢籌畫之機關

一本處分股如左

法制股

研究新舊法令各種問題預備草案並調查各國法令以資參考

外交股

研究各國交涉事件及新舊約章預備將來繼續或修正並辦理直接交涉文件

內政股

現在四民失業滿目瘡痍所有安集人民暨八旗生計均應急行維持現狀及永久辦法並研求農工實業發達進行之策

財政股

籌定臨時歲入歲出並爲統一全國財政之預備

軍事股

籌備聯合統一全國軍隊辦法並研究目前分配留遣及將來徵兵練兵之法

邊事股

對於東三省蒙古西藏暨各邊省地方之特別計畫維持現狀並預備將來辦法

臨時公報 規約

陽歷二月廿二日即壬子正月初五日

- 一 本處既直接隸屬於新舉臨時大總統其各股辦事員由新舉臨時大總統選派
- 一 以本處各股辦事員組織爲聯合討論委員會遇有重大問題由全體辦事員開會討論
- 一 各股及聯合委員會討論事件纂成意見書呈由新舉臨時大總統核定
- 一 此暫時條規如有未盡事宜隨時呈請酌改
- 一 本處辦事細則另行規定

廣告

度支部經理愛國公債處廣告

啟者現在宣布共和國民爲國家之主體國事卽國民之己事大局甫定百端待理需款浩繁能多募一分內債卽少負一分外債保存主權利權正自不少從前所辦愛國公債仍當接續招募凡我國民務請踴躍購買卽以最簡單之預算估計每人能購一元卽可立募四萬萬元以國民熱血換得之共和復以國民實力支持之發皇光大震躍環球端在此舉願我愛國國民勉力爲之此啟

隨時公報

陽歷二月廿二日即壬子正月初五日